



Henry Fanebust

Saksbehandlar, innvalstelefon

Sigurd Kolbjørn Berg, 5557 2372

Attendemelding til klagar - byggesak - Lindås - 99/1 - Vågevegen 2088 - oppheving av stoppordre

Me syner til e-post med brev frå Elin Fanebust som du har sendt inn. Svaret er retta til henne.

Klaga har vore handsama og etter krav frå deg vurdert på nytt ein gong før. Du bringer ikkje noko nytt inn i saka som er eigna til å gjere om på vurderinga vår. Me kan i stor grad syne til attendemeldinga du fekk den 04.12.2019.

Høgsterettsdommen du spør om er lagt ut offentleg på Høgsteretts si nettstad. Du finn han her: <https://www.domstol.no/Enkelt-domstol/hoyesterett/avgjorelser/avgjorelser-2000-2012/avgjorelser-2012/straffesaker1/Lovanvendelsen-i-straffesak-om-overtredelse-av-naturvernloven--5-og-plan-og-bygningsloven--93-bokstav-i/>

Domen gjaldt ein sak der fleire tiltakshavar vart tiltala av påtalemakta for å ha bygd ein veg i eit naturvernområde. Tiltakshavarane meinte dei ikkje bygde nytt, men gjorde vedlikehald.

Høgsterett la vekt på om arbeidet «*vesentlig kan endre landskapets art eller karakter*», sjå avsnitt 35. Det var gjort større arbeid på ein strekning over 350 meter, lagt ny trase fleire stader, laga skjeringar, breidda vart auka med ein meter og større steinar flytta, sjå avsnitt 38. Fleirtalet i retten kom til at dette gjekk ut over grensa for vedlikehald.

Dette er den same vurderinga som skal gjerast etter plan- og bygningslova mellom nybygg etter § 20-1 bokstav l), som krev godkjenning og vedlikehald som ikkje treng dette. Som det går fram av vedtaket 20.11.2019 er arbeida i saka her av eit mykje mindre omfang: «*Arbeidet endrar ikkje traseen, det endrar ikkje karakteren av staden, og det er få verknadar for omgjevnadane eller kultur- og miljøverdiane på staden.*» Det er såleis etter lova vedlikehald, og treng såleis ikkje byggjeløyve. Då er det ikkje mogleg å gje stoppordre. Me held fast på denne vurderinga.

Fylkesmannens avgjerd er endeleg jf fvl § 28 tredje ledd, og saka er avslutta. Du vil difor ikkje kunne rekne med å få svar på nye skriv i saka.



Med helsing

Anne Kjersti Sande
fagdirektør

Sigurd Kolbjørn Berg
seniorrådgjevar

Dokumentet er elektronisk godkjent

Kopi til:

Alver kommune
HARRIS ADVOKATFIRMA AS
Kommunal- og
moderniseringsdepartementet
Alf Eikevik

Havnevegen 41 A	5918	FREKHAUG
Postboks 4115 Sandviken	5835	BERGEN
Postboks 8112 Dep	0032	OSLO
Kollåsen 54	5116	Ulset